



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Virtutibus Moralibus, De Justitia Et Jure Et De
Contractibus

Antoine, Paul-Gabriel

Ingolstadii, MDCCXXXIII.

VD18 90392159

Cap. X. De Transactione, Assecuratione, Fidejussione, Pignore, &
Hypothecâ.

urn:nbn:de:hbz:466:1-40993

CAPUT X.

*De Transactione, Assecuratione, Fidejus-
sione, Pignore, & Hypothecâ.*

Q. 1. *Quid est Transaction?*

Resp. *Est pactio utrinque onerosa de re dubia, & lite incerta sive mota, sive movenda. Hinc ad ejus justitiam tria requiruntur. 1. Ueres, super qua transfigitur, sit dubia saltem probabili existimatione utriusque partis: alioqui fieret injuria parti clarè habenti jus, quæ non componere transfigendo, sed vexationem injustam redimere censeretur. 2. Ut convenatio sit cum aliquo onere utriusque partis: alioqui donatio esset, non transaction. 3. Per eam lis componatur, vel dirimatur: nam ad hoc instituta est.*

Q. 2. *Quid est Assecuratio?*

Resp. *Est contractus, quo quis rei alienæ periculum in se suscipit, obligando se, vel gratis vel certo pretio ad solvendum ejus pretium si perierit. Quando hæc obligatio pretio suscipitur, est contractus similis venditioni: nam venditur obligatio præstandi Domino rem indemnem, quæ est pretio æstimabilis.*

Ex communi, ad ejus justitiam requiritur.
1. *Ut periculum subsit saltem probabiliter, vel ab utroque judicetur subesse, ita ut rei eventus sit utrique incertus. Sienim ante contractum*

No 3 con-

constaret assicuranti res, vel merces alterius esse extra omnem aleam positas, v. g. jam pervenisse ad portum, peccaret, & teneretur restituere pretium acceptum: nam nullus est titulus accipendi pretii, cum assicuratio non sit in hoc casu digna pretio. Deinde asseturans sua deceptione dedisset causam contractui. Idem dic de eo, qui sciens rem suam perire, pacifceretur cum altero de illius assicuratione: quia impossibilis est rei, quæ periret, assicuratio; hæc enim potest esse dubitata de re, cuius periculum caveri potest: ergo tunc nullus est contractus, cum deficiat ejus materia. Deinde tunc dolus daret causam contractui. 2. Requiritur, ut pretium sit proportionatum periculo, spectata æstimabilitate rei, quæ assicuratur, alioqui non servaretur æqualitas.

Q. 3. Quid est Fidejussio?

Resp. Est contractus, quo quis alienam obligationem suscipit implendam, si debitor principalis eam non impleverit. Circa quod observa

1. Si obligatio debitoris principalis sit invalida, aut extinguitur, cessat etiam obligatio fidejussoria defectu materiæ: quia hæc semper supponit obligationem principalem, estque illius accessoria.

2. Fidejussores ita obligari non possunt, ut plus debeant, quam debet is pro quo obligantur: nam eorum

corum obligatio accessionis est principalis obligatio-
nis; nec plus in accessione debet esse, quam in
principaliter. Instit. de fidejussor.

3. Fidejussor non potest conveniri ad sol-
vendum, nisi prius à principali debitore repe-
titum fuerit debitum, & constiterit eum non
esse solvendo. Hæc enim est veluti conditio
hujus contractus, nisi aliter conventum sit.

4. Fidejussoris obligatio transit ad hæredes.

5. Peccat graviter, qui certus de sua impo-
tentia ad solvendum pro alio, ejus fidejusso-
rem se constituit, putans fieri posse, ut debitor
non sit solvendo: nam creditorem injustè de-
cipit, falsam ei securitatem offerendo, & dat
ei occasionem periculi, ac damni.

6. Principalis debitor tenetur non solum re-
pendere, quæ fidejussor pro eo solvit, sed etiam
resarcire omnia damnata ex eo, quod
ipse tempore debito non solverit: nam vi
contractus tenetur fidejussorem indemnem
servare, ea quippe lege is fidejubet.

*Sed an licet pro fidejussione exigere pretium à
debitore?*

Resp. Multi affirmant licere de eo pacisci,
pro ratione quantitatis debiti, & periculi: quia
obligatio civilis solvendi debitum alterius est
onus pretio estimabile, nec fidejussor tenetur
eam gratis suscipere. Neque id exigit pro so-
lutione pecuniae alterius loco datæ, vel dandæ,
nam hoc esset usurarium; sed pro subeunda

Nn 3 obli-

obligatione solvendi debitum alterius. Alii negant, si fidejussor sciat nullum subesse periculum, nec molestiam: quia tunc obligatio, quam suscipit, nullum afferit onus pretio compensabile. Imò negant, etiamsi prævideatur periculum: quia obligatio solvendi pro alio, eis videtur esse mutuum virtuale, eoque dicitur totum rependere fidejussori, quod pro eo solvit. Prior opinio videtur probabilior, saltem si periculum aliquod subeat fidejussor. Nec fidejussio videtur esse mutuum virtuale: quia non consistit in traditione rei, sed præcisè in susceptione obligationis alienæ.

Q. 4. Quid est Pignus, & Hypotheca?

Resp. Pignus est contractus, quo debitor rem aliquam mobilem tradit creditori ad securitatem debiti, pro quo sic obligata est, ut possit ex ea solutio peti, si debitor non solverit.

Hypotheca verò est contractus, quo res immobilis obligatur creditori ad securitatem debiti, ita ut Jus habeat ex ea solutionem petendi. Differunt inter se 1. Quod in pignore restradatur creditori, in hypotheca verò res solâ conventione obligetur sine traditione. Interdum tamen mobilia bona sine traditione hypothecantur. 2. Quod pignus sit rei mobilis, hypotheca verò rei immobilis. Hac tamen nomina passim in Jure idem sonant, & sumuntur etiam pro ipsâ re alteri obligata ad secu-

Alii per-
atio,
om-
eatur
alio,
dhic
quod
oabi-
fide-
uum
e rei,
is a-

securitatem debiti, & pro Jure petendi solutionem ex re sic obligata.

Hypotheca alia est conventionalis, seu expressa, quæ mutuo consensu expresso constituitur. Alia tacita, seu legalis, quam lex, vel consuetudo attribuit, etiamsi de hac nulla facta sit in contractu mentio: sic bona tutoris, & curatoris sunt hypothecata pupillo, & minori pro administratione bonorum, bona mariti pro dote uxoris, &c. Item alia est universalis, per quam omnia bona tum præsentia, tum futura obligantur: alia particularis, id est, unius, vel plurium rerum in specie, & hæc semper afficit rem ad quemcunque perveniat, donec debitum solvatur.

Q. 5. Quænam sunt obligationes dantis, & accipientis pignus & hypothecam?

Resp. I. Ex parte dantis, seu debitoris ha-
sunt 1. Non licet eandem rem dare pluribus
in pignus, seu hypothecam, nisi sit sufficiens
pro omnibus debitibus. Nam ideo res subjici-
tur hypothecæ, ut creditor ex ea solutionem
capiat, si debitor non solvat: at plures credi-
tores non possunt solutionem accipere ex re
insufficiente pro pluribus debitibus. Excipe nisi
postiores creditores moneantur de priori
hypotheca, nam tunc his non fiet injuria, cum
scienti, & volenti non fiat. 2. Debitor tene-
tur creditori impensas factas in pignoris con-
servationem, & ne deterius fiat, restituere,

Nn 4 1.25.

I. 25. ff. *de pignerat. act.* nec potest pignus reç
petere, donec debitum integrè solverit, l. 6.
Cod. de distract. pignor. 3. Si non licet vende
re rem hypothecatam, nisi emptore monito
de hypotheca: quia illum deciperet: nam
emptor putaret emere rem ab omni onere li
beram, cum tamen teneretur ex ea debita sol
vere, res enim transit ad emptorem cum suo
onere reali; nec emptor plus Juris acquirere
potest, quam haberet venditor: hic autem
non habebat ejus dominium liberum à debi
tis, cum res sit ad debita obligata.

Resp. II. Ex communi, creditor tenetur I.
**Diligenter servare pignus, & curare, ne pe
reat, aut deterius fiat:** Alioqui tenebitur de
damno secuto ex culpa lata, & levi, l. 13. ff. *de
pignerat. act.* non tamen levissima, quia con
tractus cedit in utriusque partis utilitatem,
Potest autem pignus acceptum, vel hypothe
cam alteri obligare, sed non pro r^unajo^re sum
ma, l. 1. **Cod. Si pignus, &c.** 2. Non potest uti
re oppigneratâ sine consensu debitoris: alio
quin furti actione tenetur, l. 56. ff. *de furtis.*
nisi utatur in gratiam debitoris, ne scilicet allo
qui deterior fieret: quia est res aliena ad se
curitatem tantum, non ad usum concessa: at
injustum est uti re aliena sine consensu Domi
ni. Quod si debitor concedat illius usum,
valor talis usus debet in sortem computari:
alioqui committeretur usura, nam ob con
cessam dilationem solutionis, acciperetur ali
quid

quid ultra sortem; cum usus pignoris sit quid
pretio æstimabile, & veluti ejus fructus ad
Dominum pertinens. 3. Tenetur fructus ex
pignore, vel hypotheca perceptos, & con-
sumptos in sortem computare, deductis sum-
ptibus suis, ac laboribus, & extantes restitu-
re, vel deducere: quia res illa est debitoris,
ad quem proinde pertinent fructus ex ea nati,
res enim Domino suo fructificat. 4. Non po-
test vendere pignus, nisi debitore tempore
debito non solvente, & eo prius monito.
Quod si pluris vendat, quam sit debitum, te-
netur excessum restituere debitori, cum nullo
justo titulo possit eum retinere. 5. Non pot-
est pacisci cum debitore, ut si non solvat sta-
tuto tempore, pignus sit creditoris, sed hic
semper tenetur pignus totum restituere, cum
ei postea debitum solutum fuerit: nam talis
conventio utroque Jure prohibetur, l. ult.
Cod. de part. pignor. & cap. 7. de pignor. 6.
Tenetur soluto integrè debito statim restitu-
re pignus, nam tunc cessat titulus & jus illud
retinendi, l. 6. ff. *Quibus modis pignus, &c.*

CAPUT XI.

De Ludo, & Sponsionibus.

Q. I. **Q**uid est Ludus, & quænam requiriuntur, ut sit licitus?

Resp. I. Ludus generatim est jucundum ali-

Nn s quod